

畿輔通志卷一百七十五

略一百三十

古蹟二十二

祠宇一

順天

保定

順天府

大興縣

虞帝廟天府廣記幽州古有虞帝廟唐德宗貞元十二年八月重修韋稔撰頌顏頤楷書其碑至元時尙在傳爲顏真卿書謂之復廟碑元人秋澗王惲有大都復虞帝廟碑記

雍正志

三忠祠在縣東南大通橋東祀漢諸葛亮宋岳飛文天祥祠

後有濯纓亭

大清一統志

吳越王祠在正陽門外東南蘆草園雍正三年

敕封誠應吳越武肅王裔孫世章建

同上

宋文丞相祠在都城東北隅柴市卽今府學舊基

日下明舊聞考

永樂六年太常博士劉履節奉命正祀典謂天祥忠於宋室而燕京乃其死節之所請祠祀從之祠堂三楹前爲門又前爲大門祠之西爲懷忠會館江右士夫歲時集會於此以祭公者也宣德四年保定李庸爲府尹重拓其祠信國所著有

日錄吟嘯集指南錄集杜詩並刊板祠中

春明夢餘錄楊士奇重修文丞

相祠記孟子曰我知言我善養吾浩然之氣知言者盡心知性而有以究極天下之理浩然之氣卽天地之正氣具於吾身至大而不可屈撓者知之至養之充而後足以任天下之大事天下之事莫大於君父文丞相甫冠奉廷對卽極口論國家大計未幾元兵渡江又上書乞斬嬖近之主遷幸議者以一人心安社稷固已氣蓋天下矣自是而斷斷焉殫力竭謀扶顛持危以興復爲已任雖險阻艱難百挫千折有進而無退不幸國亡身執而大義愈明蓋公志正而才廣識遠而器闊浩然之氣以爲之主而卒之其志弗遂者蓋以天命去宋也雖天命去宋而天理在公必不可已故宋亡其臣之殺身成仁者不少論者必以公爲稱首公事具宋史而公鄉人劉岳申撫公所著日錄吟嘯集指南錄集杜二百首及宋禮部郎官鄧光薦所述督府忠義傳以作公傳視史加詳實焉北京之有公祠洪武九年前北平按察副使劉崧始建於教

忠坊今順天府學之右而作塑像焉永樂六年太常博士劉
履節奉命正祀典始有春秋之祭於有司歲以順天府尹行
事宣德四年府尹李庸始至謁公祠下顧瞻祠宇敝陋弗稱
遵用詔旨葺而新之凡祀神之器靡不備具又求岳申傅刻
石將使人人皆知世之爲臣者光明震動焜焜烈烈有公也
於戲忠孝人道之大節治化所先而崇禮先賢表勵後人尤
守令之急務庸其達爲政之本與庸字執中保定唐縣人寬
厚明敏自太學生授工科給事中上親擢爲順天府尹愛人
之心剴繁之才上下皆稱之而盡心學校敬賢尚德如飾昌
平之狄梁公劉諫議祠而嚴其祀事之類皆其知本之務皆
可書也因並書之以示來者 薛瑄謁文山祠詩朔氣蕭森
歲向深揮戈拔淚動哀吟艱危已竭回天力慷慨猶存捧日
心海水尋常秋月冷燕雲千里暮星沈悠悠往事都如夢只
有孤忠照古今 桑悅謁文山先生祠詩衣帶留題誓始終
小樓數載履虛空謠云到死方無悔要識持危不是窮異物
化生真幻語元神出現亦精忠堂堂祠宇還柴市宋室全收
養士功 金鉉謁文丞相祠詩剝復自天運臣道無中窮君
子切載輿豈與氓蚩同痛矣文山子事去生其躬誕芸香歲
寒不望以豐功結束宋文章巍巍葬兵戎一部十七史論語
半部終棘行若履坦所在吟淒風三年小樓上息息宋運中
若逐黃冠去仍來成旅攻當時生祭者何足語微衷柴市風
雷在千年教臣忠拜讀正氣歌讀罷神明通 國朝趙翼
過文信國祠同飭蒼作鬚眉正氣凜千秋丞相祠堂久尙留
南渡河山難復楚北來俘虜豈朝周出師未捷悲移鼎視死

如歸笑射鉤何事黃冠樽俎語平添野史污名流
年養士恩故應未造澤猶存半生聲伎勤王散一代科名死
事尊滿地白翎人撫世空山朱噉客招魂笑他北去留承旨
也是南朝一狀元 戰罷空坑力不支拚將赤族殉時危死
堅獄吏囚三載生享門人祭一卮血碧肯污新贈諡汗青終
照舊題詩如何一本梅花發分半南枝半北枝 秦瀛詩天
留正氣作星辰滄海橫流繫此身風雨崖山思帝子衣冠柴
市泣纍臣北枝夢冷梅花月南國啼殘杜宇春異代孤忠鄉
後進從公碧血化青
燐網好飽饕餮死

于少保祠在崇文門內東裱背巷公故賜宅也祠三楹中塑

公像歲春秋遣太常寺官致祭公被刑於天順元年復官於

成化二年賜諡肅愍在宏治二年改諡忠肅在萬曆十八年

春明夢餘錄初英宗雖殺公繼而羣奸敗已知公冤憲宗曰先帝

已知其枉朕心實愍其忠及神宗時將改公諡大司馬王一

謬夢公來誦一詩中有空山血淚悲誰訴萬里忠魂獨自歸

之句會浙撫傅孟春疏請改諡始改忠肅

大典縣志

明史于謙本

傳載謙自奉儉約所居僅蔽風雨帝賜第西華門固辭春明
夢餘錄云祠在崇文門內其非西華賜第可知今祠亦廢考
裱背衙衙內有福德堂地甚狹相傳卽其舊址日下舊聞
瀛詩倉皇北狩徧傳烽赤手擎天定九重宗社神靈蕉葉夢
君臣涕淚藥丸封金繒不遣歸諸將玉塞終當反六龍誰道
銜冤竟東市恨他徐石誤英宗

宛平縣

謝文節祠在憫忠寺內今爲江西會館

採訪冊 國朝秦瀛詩書成卻聘已長饑

賣卜餘生涕淚揮滄海只餘孤鶴在錢塘不見六龍歸衣冠
南渡空禾黍日月西山長蕨薇天水到公殘局盡蒼涼蕭寺

送斜

暉

武穆祠在金魚池

同上 國朝梁清標秋日過金魚池岳武穆祠西風池上偶停車葭莢蕭蕭夕照虛

傍渚圓沙棲白雁跳波水荇響朱魚王孫第宅秋塘冷
少保祠堂古木疏獨喜舞臺歌管罷悠然緩步當籃輿

元世祖廟在縣治西金城坊明洪武十年建

大清一統志

白馬祠昔慕容氏都燕羅城有白馬前導因以為祠元混一覽

李文正公祠在府治西明孝宗賜第也第久析為民居嘉靖乙酉麻城耿定向首議贖還為公祠祀公像傳雙履履二寸許拌繫之一粗紵小衫公舉奇童時著以見景帝者耿為具篋撰文鏤篋蓋衣已半敝履朱爛然履繫乃不知色守祠者人歛數錢則出示之雍正志

楊敬山先生祠在宣武門外炸子橋祠有諫草亭採訪冊

詩家世關西舊名同伯起楊九重愁虎豹兩疏擊豺狼夢夢朝元閣獵獵偃月堂上方誰請劍孤憤獨飛章鬼暗啼風雨天高叫闐闐心惟報君父官莫笑曹郎作尉尉經投竄擢麟佐激昂毒難防孔雀邪自觸神羊低胃門多羣荆公孽有雋糜軀甘鼎鑊詔獄急銀鑄胆壯支三木辭危引二王不聞戮京卞先見殺膺滂棘寺銅筋折梅花鐵骨香先駐梅花鶴有胡機滿香鬚眉真慷慨巾幗苦淋浪碧血留東市丹忱錄太常姦應鑄嵩相冤定訴高皇落日荒祠在空亭大鳥翔招魂何

處所帝欲遣巫陽

良鄉縣

霍原祠在縣西魏盧道將為燕郡太守下車表樂毅及原墓

為之立祠

雍正志

固安縣

李公祠在縣城北光緒八年建祀永定河道李朝儀

採訪冊

永清縣

張公祠在城隍廟東南隅

縣志 賈澎辨余未束髮時聞先大父魯峯公云邑治城隍廟東南

隅唐天寶初幽州節度使張公守珪祠堂在焉縣之得名始公上請取沙漠永清之義且大有功於是土人立祠祀之以云報也夫物盛必衰惟草野尚德之思能以不朽有唐至今千餘歲富貴泯滅者不可勝數汾陽功蓋宇宙未終唐世已
有敬其宅者而公泐然一祠相傳至今非其德澤入人深歟祠中舊有懸額文曰千載仁天順治年縣人王業隆題識至今百年後生小子乃謂崔府君廟何傳聞之失實也嗟乎公之赫赫不可掩者固不繫祠之有無而食毛踐土之人則非

祠無以致其嚮往也間其風尙想見其人況有祠焉以拜之而君蒿悽愴於其側乎今州縣之政非法令所及者世不復議余念公之德表公之祠爰述所嘗聞於先人者以正里巷傳聞之誤比諸風人甘棠之義或庶幾焉 按舊志無張守

珪祠彭云聞之其祖必當有所受也

王錢二公祠在縣南

同上 武尙賢撰祠記永邑計距京師

邇來歲苦河害每漲決則積淤不啻盈仞沙礫我墮落蠅蝦我民畜萍梗我稼不敷嗷嗷惻惻通遁而四出者滋甚拜職諸大夫靡不孜孜然事甚難力竟莫之誰何民命待於天吏職委於數幾四十載於茲矣歲甲戌兵憲錢淑湖來按茲邦已乃憑軒四眺漫漫然荆塗極目乃愕然詢焉左右以河患對公喟然曰噫封疆責在予民困且憊矣及今不治則害將曷止遂上其狀於撫臺春陵王公一聞議則欣然是之乃詢諸邑之士庶言不便者殆百數公曰昔稱懷襄之勢禹亦且爲之矧一襟帶水何遽不可爲若是予嘗環歷經度計亦審矣顧其勢誠可障而東也迨乙亥春潦水欲盡畚鍤可施乃以邑令劉公董其務發公帑協隣封凡得金穀若干悉充上募費相勢以樹址酌地以任人量日以授食而又時巡戒爲先事計貯贏餘爲埋圯計蓋役民不滿三千用力不及浹月而廣址崇墉延袤以里計者四十有奇焉由是沙礫而煙炊矣蠅蝦而雞豚矣萍梗而桑麻矣四出而逋遞復永之編氓矣先是白堡新務二口南射洶急視他患尤甚公首及於是第

甫築則決公曰若者尙爾復奚爲乃齋沐禱於河伯且視之
流淤盈坎無庸人力矣夫莫爲之勢而公埋於一念之精誠
以故他工計日興焉茲者三易寒暑矣而農稔歲復一歲邑
庶相率而矢之日古人一食一羹必齋祭所以重本也吾儕
享租食安衽席優游然卒歲無漂沒虞厥本安出今遇朝廷
擢二公以惠一方則其偉功厚德安可忘也遂卜地於城南
剏祠肖像而咸屬予以紀其事予邑人也首沐公惠其何說
之辭昔楚年豐於葛陂之築鄭患息於滎堰之修載在汗青
迄今猶炳耀乃二公捍衛功彰彰若是是固肩轡楚鄭諸君
子而足以類古循良者歟夫慮始者甚艱厥力而樂成者易
之斯民曷賴焉惟心公心者歲葺而月繕俾有所裨益斯吾
邑其永賴矣夫都河洛而思興者頌禹功自茲以往甯無觀
而思思而感感而祝焉者乎以故紀其事如右而復摹栢梁
之體擬盧鉗之詠俾後之思而感者歌以祝焉歌曰桑乾之
水源何長東流淼漭莫可當倏南忽北任披猖千村萬舍蚩
鴻鄉天賜召杜康我邦築隄封堰謀允臧天吳怵慄海若藏
流離返首歸舊鄉墜青茵實歲穰鳴箏擊鼓
樂洋洋願將嘉惠奉烝嘗千年報德俎豆香

東安縣

陸公祠在縣城南祀明知縣陸燧

據碑記補 明馮銓記略
雲間陸侯以詞苑蜚聲魁

海內其綰綬而來也戴星衝泥算路籃縷不遑啟處及調劑
於水火燥溼之宜者甫二稔吏憚民懷上計稱最治且成矣

乃廉能異狀岳薦帝簡交口而賢之屬遵陽處紀綱之司斥
 候不甯夏勞捍禦以收伯而兼干城日討軍實而紆籌之豈
 斤斤智效一官者卒辦此哉於是急推侯往安邑父老子弟
 聞檄下悉奔走號呼請於當路不獲借寇侯不忍棄去遷延
 浹月比脂輜則黃口鮑背壺漿塞途車輒不得發侯數四溫
 慰之歸乃聚族而謀之曰天其無意於安邑之民乎彼民何
 幸我何辜乃奪此以與彼耶雖然若之何矢勿諉也邑自明
 興二百餘穰循吏不乏然畏壘之社稷與峴首之墮淚茂有
 聞也創之自今日爲侯始因卽城南數百武稽故實建祠而
 碑之城南者何卽侯祀河禱雩之所占足處也典曰以勞定
 國則祀之能捍大患則祀之安人藉侯德以脫死亡登衽席
 一旦遷去免嬰兒於懷而奪之乳哺有不號咷終日者乎侯
 下車之時何時也城不沒者數板耳撮土彈爲河矣魚蛙之
 民自分無生理矣侯齋戒而與河盟有斬蛟沉馬之壯河亦
 殺其怒以就侯之威令河旣平遂別其穀土庶土之緩急汙
 邪甌窶之豐嗇分六限以佐官輸惟正之外不索一錢而民
 乃安堵如故已而禱霽禱雪禱旱誠可格天莫不胥蟹輒應
 如責券而取之安人嘖嘖呼神君慈母矣其聽決務在平恕
 嘗念荒民愚昧苟拘文法以爲鉗網自新之路謂何積歲以
 來兩卧桁楊訟庭莎綠釀化不旣多乎且清影射之弊則豪
 猾不敢侵牟立平準之法則駟驢不敢低昂馬政舉而駟牝
 三千矣蠶政舉而農未兼資矣諸如學田義田之設首捐清
 俸義倉儲穀七百石以備荒賑侯爲安人計不旣殫厥心歟
 至於陶鑄人才振興學校則陳說經史辨論古今儼然風集

而江波流也蓋和寶祗於良工于將鍛自歐冶其所從來不
偶耳人亦有言縣者懸也民命所懸也倘其如螻蛇之秦秦
豺狼之仇仇懸人以嬉拔之深淵則亦烏用此令爲侯胸中
不立城府不設涯岸而守正以行亦不爲呶訾慄斯絜櫛汜
鳧之習以故其操冰壺也其心慈航也其摘發照胆鏡而辟
邪珠也安人雖積遭厲歲村突不黔而猶不至顛踣載道興
哀於萋楚鳴怨於碩鼠者伊誰之賜哉昔文翁之祠於蜀也
樂布之社於燕也朱公之祠於桐鄉也何武之思於充也慕
其義懷其澤數十世不替所謂思愛樹棠猶且勿伐非以德
之人人者深民雖忘之而不能耶是役也測景度地鳩工庀
材成以不日爲堂三楹供像其中歲時伏臘侯儼然泣焉侯
諱燧別號渭源庚戌進士松江上海人其經紀祠事則施生
大雅等董之爰麗牲
斧石以誌歲月云

通州

常開平廟在舊城南門內東南隅明洪武三年敕建祀常遇

春

大清一統志

以燕山侯孫興祖配每年春秋上下有司致祭

州志

通州南門內有鄭國公祠碑稱公下通州嚴戢士卒民不知
有兵愛公如父母公薨喪過通罷市迎哭共醵財立廟稗史

言常將軍剽銳嗜殺所至縱士卒殺掠故兵鋒爲一時冠獨

於北方能爾蓋知天下將平行事當與草昧時異也

燕山叢錄按

祠今惟碑尙存

日下舊聞考

明王直撰廟碑記正統十

舊有廟以祀開平忠武王常遇春蓋洪武三年奉敕建每歲春秋守臣以少牢行禮庭下載在祀典今八十年矣修治不繼日入於敝懼無以稱朝廷崇德報功之意請繕完如法詔可命工部聚材鳩工撤而新之通州諸衛及州所屬縣各以丁夫給役且命總理通州諸務都指揮僉事陳信督之命既下文武吏士奉承惟謹材不徵而信工不召而至智者效謀壯者效力作正殿翼以兩廂前啟三門旁列廚庫凡諸像設靡不畢備宏麗廣深有加於昔經始於九月己酉而以明年四月成惟王以忠信智勇佐太祖渡江削平東南郡縣遂議北征車駕至汴申命大將軍徐達而王爲之副天聲所臨無思不服王先至通州禁侵暴務安輯人不知兵市不易肆皆愛戴如父母遂收燕都明年平河東入秦元之敗卒復侵通州王還兵拒之通州之人免於荼毒其德王尤深遂率師破開平大俘獲而還至柳河川以疾薨柩歸過通州州人皆罷市迎哭旣去而念之不哀飲食必祭上思王之功而知民之感慕如此此廟之所以作也王生爲上公沒有顯號而廟祀永久其在京師尤盛此特其別祠焉耳乃爲述其事而系以詩詩曰太祖龍興四海從惟王仗劒先來同所向無敵摧軍

鋒通州亦在破竹中安集還定揚仁風閭閻歌舞靡怨恫旌
旗他指甲馬雄絕迹掃影煙塵空大星宵墮感帝衷錫以顯
號昭殊功廟食於此罔不恭聖皇繼述棟愈隆神之在位儼
儀容調和陰陽幹化工疵癘不作歲屢豐春秋享祀無終窮
劉子華開平王廟成應制詩揮戈十載定河山忽報星沈
易水灣馬首西風旌旆捲天涯落日凱歌還功成楚漢興亡
際名在韓彭伯仲間聖主思
功心獨苦黃金直欲鑄眞顏

岳文肅公祠舊在州南潮縣學宮東明嘉靖十年敕建祀岳

正萬厯間修張琦撰記今祠在潮縣文廟內

州志

通惠祠在州境嘉靖四十五年建以祀監察御史吳仲有督

學御史慈谿顏鯨碑記案祠今無考惟記文載州志今存其

略

目下舊聞考

顏鯨記略國家建都幽燕歲漕自東南抵灣僦車牛資丁壯陸輓以達京師費腳價鉅萬先是元

郭守敬謂京西北白浮神山諸泉可濬以省搬運之苦成化
弘治間言者交章每爲異論所乘事輒中罷嘉靖丁亥昆陵
吳公仲以御史按京儲周視水道盡得其狀抗疏以聞詔命
仲專董其役於是斥山通澤決去阨涉漫漈而泉流始清塞
諸水口之罅漏旁溢者而小川始入則壤置閘鱗次轉運皆
有程度工始於嘉靖戊子二月告成於是年五月費銀纔七

干皆取諸官帑之扣餘而民不知夫役微諸車腳而人不擾
水利大通干艘啣尾自河灣直達都門公去後數十年民益
思之相與立祠歲祀焉因為作詩使歌以祀公詩曰御河之
水其流湯湯舟之楫之乃萬斯倉豈弟君子為謀允臧御河
之坊其浸浴浴沛我膏澤河洛攸崇豈弟君子并力是營御
河之柳鬱鬱其陰願言永懋實獲我心勿剪勿伐君子之林
御河之游爰構我堂愜此舊德邦家之光萬國至止懷允不
忘御河之祠歲歲烝嘗勤我父子采蘭縮漿公其永止其氣
洋洋時嘉靖四十五年歲在丙寅 按舊志篇末支干作丙
申誤嘉靖四十五年乃丙寅也丙申為嘉靖十五年距戊子
工竣時纔九年與文內公
去後數十年合今更正

閻忠烈公祠在城內北街關帝廟西有殿三楹道光間知州

李宜範修

採訪冊 國朝趙翼題祠詩傳芭伐鼓剗羊豕前
代孤臣今代祀不讎枯骨國法寬不忘忠魂民意

美是時王師下金陵大江以南望風迎小朝廷已被俘去為
誰保此彈丸城國亡援絕獨拒守作計雖謬心則貞姓名已
入點鬼簿滿城皆鬼作鬼兵以鬼易人一當一人則怕死鬼
怕生梯衝環攻百道禦積屍高與雉堞平縛芻為人夜取箭
繼絙出卒霧斫營軍久絕糧鼠掘土不解甲蟻蝨生相持
入十有一日一日中有干輸贏君山礮聲沸江水鐵騎平明
滿街市短兵巷戰血尺深祖臂一呼仆者起力盡俱甘駟首
戮至今白骨填荆杞嗚呼明季雖多殉節臣乙酉之變殊少

人將帥降旛蚤暨壘公卿款表先趨塵高門王謝獻城亟
盛名巢由拜路頻何哉節列奇男子乃出區區一典史

于襄勤公祠在州署東祀知州于成龍

州志國朝高天鳳重修祠碑記古人之

制爲祀典也不外法施於民禦災捍患諸大端而親民之官
爲民愛戴而有專祠者義實昉此故雖由邑郡歷封疆豐功
偉烈百世惟馨匪獨一州之祀是賴而有其舉之莫或修之
非俎豆前人意也宮保尙書于襄勤公會知通州事州人銘
公恩建祠於州署土地祠內之東迄今垂百十年前州牧龍
君舜琴志在修葺且得公裔孫農曹公命將肇工以擢守滇
南未果天鳳奉命受事後謁公祠見棟宇傾圯堂復
西向祀禮罔稱爰擴基址鳩工材諫吉從事閱五月餘堂成
升公之像南面規模稍備復以碑記闕如奉書農曹公乞公
傳略并採志載敬誌一二俾州之父老子弟咸知公享祀所
由來而後之守土者又宜如何法守也公諱成龍字振甲遼
左蓋平望族考得水公軍功授輕車都尉世職

聖祖

仁皇帝御極之十七年公以廕令樂亭縣著賢聲十七年直
隸撫軍金公重其才奏擢是州十八年公抵任適當地震後
官解未治席棚以居編氓苦不給公爲之經畫區處均賴以
安捐俸倡募重建至聖廟復置義學其他祠宇表坊靡不
次第修整尤善治獄忠信明決頑梗皆畏服時直隸撫軍于
清端公與公同名多惠政故民有前于後于百姓安居之謠
二十一年清端公總制兩江疏請以公除江甯守制
曰可去通之日士民遮道攀轅感激不忍忘建祠實始於此

公尋秉臬安徽兼督下河撫直隸晉太子少保遷左都御史兼鑲紅旗漢軍都統總統軍營運糧事軍功授騎都尉世職準承襲復以兵部尚書總督仍撫直隸濬永定河招撫紙糊套寇旋任河道總督卒於官時康熙三十九年二月二十七日距公生於

有三

賜祭葬碑文於西山楊家莊神道諡襄勤凡公

生平政績俱詳史館不備書天鳳承乏茲土景仰先型慮無以盡修舉責爲守土者羞幸祠落成竊誌梗槩而知通之俎豆夫公者名宦而外復專祠豈不宜哉

李壯烈祠在州城隍廟後殿西院同治七年奉

敕建有

諭賜祭文

國史館傳文碑

冊探訪

杜公祠在州東關關帝廟內祀知州杜甲

州志

王公祠一在州舊城東門外一在元靈觀後祀知州王光謨

久圯

同上

烈婦祠在舊城西門外明嘉靖丙申爲烈婦葉氏建

雍正志
明李

廷相撰祠碑記略嘉靖甲午三月乙亥通州舊城西觀音堂之東有婁人許紳道卒厥妻葉氏死之其事甚烈震動遠邇大中丞張公嵩中暨州守張公旋而下咸以文祭之侍御錢公學孔上其狀於朝太宗伯少傅桂洲夏公言謂宜建坊以勵風化州民嗜義者施棺及地與紳合葬葬之日男女聚觀無慮萬餘人又爲祠歲時祀焉而張守謂廷相曾備員史氏後宜文其麗牲之碑以昭示四方以不朽葉氏君子謂斯舉也其於國家化民成俗之意不爲無補法得備書初葉嫁神武衛舍人許紳紳任俠不羈舊業蕩然出投所親葉泣而隨之然竟困抑不遂而死葉守尸傍嗚呼葉氏一念之正雖當衆閭羣咻之時絕不爲動心肝摧裂血淚淋漓要必至於死而後已是以宜朝廷嘉之諸大夫士重之閭閻細民哀慕之至形諸圖畫蓋天理之不容泯而人心之所以不死固若此哉葉爲浙之蘭谿人父名欽死之日年甫二十餘銘曰粵自吳穹維人生焉肇於夫婦萬化攸先世降俗澆罔知節義有克蹈茲舉世爲異烈烈葉氏維德之柔含貞抱粹誰能與儔故夫不祿暴尸道左俯仰世間一死斯可有衣弗衣有食弗餐吾夫弗覲吾躬曷完日夕待期庶幾同穴用表此心青天皎日惟柳之誄簡而實華惟黔之被正而靡邪桓鸞刑耳共姜守義凡若而人亦各其志懿茲烈婦家世匪儒氣靈而秀惟順是圖豈曰要名恥事二姓其誰不死得其正命鄉人好義爰葬斯邱生無所歸死復何求有坊鬼鬼有祠世世日千萬